



一峯集  
一

セウ  
セ

^16  
2425  
1





和  
2425  
1-7

樂善齋

昔晦菴天子與南  
高世人物而以來見大心  
衆生為嘆不任審誦其  
言而大之揭未知如何位  
後可當是稱也及登

軒論



齋趙公之門如聽博雅  
偉論天人古今之融貫  
理事本末之該舉談道  
與論治一串盡之余則  
後掌禱文而問其淵源

所自則曰吾與弟六所  
留心經濟大究周官之  
法用端則自仲氏矣遂  
出其所學一筆文成述  
其平生志業專在活國



澤天福... 三代  
德三之風... 終與賈  
長沙范... 其情  
楚夫賈... 取大漢之不  
及三代... 於痛哭流涕

范公欲轉... 為維熙  
以天下為... 憂樂若此...  
人千古... 多而自其... 天倫  
揚花猶... 以為未... 粹未究  
則可見... 其眼目... 之大矣夫



志不于當世而于萬古愛  
不以一身而以四海寧欲以  
已之苦而博衆生之樂以  
已之勞而易天下之逸如  
公兄弟豈非所謂大心

衆生者流乎不任於一  
峯公年接偉表而來  
及承誨以為大恨公沒  
三十年其胤懷川使若  
正綱甫以遺稿七卷屬不



佞為序不佞不能辭謹  
受而卒業浩乎滂沛燦  
乎煒燁其不可以矜視  
矣姑其負抱之摠精神  
所注獨在於前後萬言

疏中蓋自若德之立志  
端本以至修內攘外與招  
賢養士均稅改貢鍊軍  
擇將之要靡不綱舉條  
陳而說務必原其所由



樊陳樊必奏其救之  
方若言其著緊中宜則  
猶良棊之定敗局轉危  
於一著名藥之對懷症  
起死於須臾果使施措

其二三要必使一域蒼生  
解倒懸而歸真枕無可  
疑者夫然後方見其講  
究之精而揮霍者大衰  
季偏邪豈復有如許範



國乎且以今而回思孝  
顯而廟豈非所謂盛際  
而自公視之以為泚之背  
其遑呼籲若救焚拯  
溺殆欲為之磨頂放踵而

不自恤則賈生平世之笑  
范公先人之憂夫豈有古  
今之殊哉詩云心之憂矣  
聊以行國其誰知之蓋  
亦勿思公之心事正亦如此



彼汨於名利者固不足道  
世所稱瓌望碩儒亦坐其  
體用不全理事未融慣  
講仁義而不知保民之為  
何事極論中庸而未及

九經之義徒知滿腔皆  
仁而未能於皮膜外推出  
也故授之以政茫然無  
措天下之事未知果將誰  
寄則識時務者在俊傑



豈非如公之謂歟公之他  
雜文及句語皆警拔豪  
暢而未暇詳論者以公  
大處之不在是也公於昆  
季中文格最高蓋公少

時與息菴金公同學文  
章於申春治之門並蒙  
獎許而立理主詞意見  
差異故其與息菴書原  
原本係斥其模擬粉



澤之陋唯恐文與道之  
或二也此與甲午萬言疏  
同在弱冠時妙年卓識  
已能如此其亦可畏也哉  
公所應三郡皆有儒化

其赴溫陽也引見于巡  
政堂伏檻論治明主動  
聽視諸龔渤海初見宣  
帝尤似卓犖未知太史  
氏能載其奇否不佞嘗



誌拙齋墓愧非其任矣  
又此弁卷之托亦知以心  
期所在而願此窺見徒  
能博觀於外未窺其間  
域只以影響說話潦草

應副其何足為公輕重  
哉往公家之興世絲緼  
亦已久矣察、數十年  
還歸以大心衆生之稱  
自不佞如則誠不願他



人是非爾公之伯胤豨  
一點者優於經學文亦  
道健信乎屈壹無劣駒  
鄧林無弱植也所撰拙  
齋狀不佞固歛衽稱奇

矣他文皆極馳驟而不  
失作者軌範是豈但一  
峯省兒展矣息庵之甥  
也併為序

丁酉孟春日 安東



金昌翕謹序

余舊居長安之杜巷  
望見終南左麓時有光  
芒燁，疑其下或有絕代  
文章而東壁一點星照之  
歎其後問之人，忘以為子  
之疑，固如林川趙揚卿之



正政在左麓之下而其人  
如玉雪其詩如其人之余聞  
是言恐當吾世而失之常  
願一識其如而願余自五六  
年來蓋不樂於世退決於  
榆社中一脚未嘗出門路

以舊日交親落落如晨星  
馬剗敢有新知樂耶幸  
而素在辛丑家豚犬贅於  
揚卿之門寅緣注來與之  
相習情義如素際見輒揚  
乾風雅雌黃古今為大論



快恨相知晚如拉而斯人  
也過於揚無不以作家  
自反其所著述不以示於人  
余時浼杯酒間得聞其一  
二詩律不能悉如此何異  
仙遊自宮聆霓裳羽衣之

曲而惘恍如夢寐也嘗欲  
驟竄駕鶴再躡紅橋記  
雲間第一譜而不能得一  
日揚卿以詩卷一冊子投示  
之余喜而讀之數日得以此  
業遂擊節而曰此非所謂



絕代希聲乎何其吾所疑  
者若符契也蓋其各體多  
慮數百篇而夙涉藝圃  
非堂觀與天才脫俗藪  
語駕人雖其就下駟而論  
之亦不比長度以下語吁感

矣或至於五言近體尤得  
古詩人爐錘奇逸如岑參  
清雅如孟浩然閑曠近於  
劉禹錫冲澹近於韋應物  
為之必不為禪門之上  
乘詩家之本色則他日之



一峯集序  
四  
幟詞壇遠旗鼓而主夏盟  
者非揚卿其誰也如余百  
戰殘兵頭髮種、雖不能  
為後漢遼諸公或不棄數  
奇之將則亦庶乎從大將  
軍效鉛刃一割之用豈不

幸哉海客金遠中書于滬  
涯之思波亭中歲祭印益  
秋下院也



文章小技而詩又文之小  
者也雖工不足尚況末工乎  
余自少時為觀光園子試  
粗治唐宋人長句學作程  
式詩才鈍不甚工而性又不  
屑也願喜為五七之絕句也



體其於居間養病或負笈  
山房作客異鄉凡風花雪  
月之態道途山川之觀岑  
寂壹鬱之懷一於詩寫藪  
之積穀歲已成累百篇矣  
過與拙毫不復湛且且未

整古八部律語以為柯  
則因格早下疵類層見其  
望作者藩籬亦遠矣工復  
敢冀乎自己亥以後專事  
科場翰策間嘗留意古文  
而又多窺見性理之書汎濫



出入之際正始抵三十矣  
文學俱盡所成而得亦才思  
日退時與人酬唱氣餒語澁  
反不如少日所為真古所謂  
學步邯鄲匍匐而歸者也  
且其篇什數教多未省記

棄之不省固無害然古人於  
藝第微物猶或藏之況根  
於情志而教於詠歌者奚  
必教逸不收然後為是哉  
遂分類編次合為一帙以博  
異日閑卷一察且待兒少



長成使知乃翁用志間  
漫多所成然而作一  
枝之大小文之正不正有不  
暇論而亦不必論也癸卯  
抄夏下院一峯識

一峯先生詩集卷之一目錄

五言古詩

高山驛

月夜步雪庭

夜夢金斯百錫曹

庚申夜會飲沈伯衡機家

七言古詩

黃龍行贈演上人之楓嶽

十月初與諸友會飲于權汝綱斗樞家

夜深對月獨酌二首

五言絕句



即景

伏次 嚴親下示韻

山齋

落日

次錢中郎江行七首 問寒梅

寒梅答

雪夜詠月仰呈伯氏兼寄金斯百

懷仙謠

夜夢 親庭

聞子夜鷄

傷時二首

春雨

奉次申春沼韻

重尋道安書院

步出泉邊

午睡

出遊泉上

霽月樓聯句

霽月樓示金亮卿世翊求和

訪上菴二首

送春日吟二絕示亮卿

乙巳二月發咸陽向洛鄭景綏有禧自晉州來

別雨夜細酌呼韻賦詩

雨後

七言絕句

送春

詠竹

曉思

遊仙詞次許蘭雪韻二首



夢遊楓嶽

病後覽鏡

四皓

除夜

晝眠

奉贐春沼丈歸廣陵

上太極亭

重陽日對雨有感

雪後

適見窗外梅花賦春興一絕仰呈伯氏

雨後出南郊

菊秋遊重興洞三首

曉思

送舍弟六卿歸觀昌衙

戲題

朝出崇禮門望終南

夢家

詠懷

鎮岑道中

到銅江津

余檢行李只有古劍一把香袖一枚杜律一卷  
仍成一絕

春日

追送春沼靈櫬於廣陵

舟下龍津

睡起

午睡初覺金斯百自京佩酒來訪仍與院中諸  
友同出泉邊對酌醉中口占四絕

與諸友會飲霄月樓 金亮卿先歸贈一絕

雨中躑躅

別道峯



小亭初成

蓮亭夜詠

聞新蟬

謝權汝綱雨中分竹

又以一絕乞菊

送春日偶題

蕭寺雨後獨坐

錦江

成歡道中

雨後

次能上人韻

參禮道中

落花

深居

睡起對菊花有感

夜來對月口占

奉次真珠使君韻

思波亭夜坐賞月

二月旬後自嶺南返洛來渡瓦灘戲賦

朝日

夜月

與院中諸益上中臺看瀑

訪李生彥綱不遇歸見李生亦來叩遂賦三絕

霽月堂十詠

清平四絕

獨坐東軒望南山寺有感

重陽日與學子數十人登北山上仙臺望海

五言律詩

江望

即事

夜別趙公舉師錫

春日登家後小園

江行

秋夜



楊州道中

過洪公命考忠烈碑

金化道中

滯雨金城

朝發金城

曉行

道中逢雨

旅店夜吟

麥坂二首

有京便奉呈伯氏

野迥

詠懷

麥坂

春日詠懷二首

果川道中

沙斤店夜吟

步出前溪望月

曉發沙斤村二首

過洪慶寺遺迹

成歡芙蓉池對月飛觴

全義道中

曉霧

重尋道峯書院

往拜春沼文道占一律

奉次春沼喜雨詩韵二首

菊秋與諸友遊重興洞三首

閒居一律寄沈伯衡

次沈伯衡韵

詠月蝕

奉次春沼韵

登終南小亭賞春

即事

重陽夜申瑞明儀華携壘來飲醉中走筆

陪岳君遊重興洞

青鶴洞次申寅伯最韵

夜聞寒葉鳴雨

漫興



渡銅雀津

沙斤店逢雨夜坐書懷

早發葛院

成歡道中

瓦灘

重上獨樂亭

鎮岑道中

展謁 先祖考墳塋

滯雨

昌陵道中

敬次伯氏韻

雨中偶吟

雨後出詠歸門

眠起

會霽月樓邀月口占

漫興二首

與金亮卿伯仲及舍弟文卿同訪上菴

訪寅伯青鶴洞

賦草堂

車踰嶺二首

曉發息津

參禮村舍滯雨

天台菴

敬次伯氏韻

次金息庵錫胄韻謝趙正字公舉師錫來訪

又次息庵韻

與斯百訪道成菴

道成菴夜坐細酌

次戒安上人詩軸韻

鎮岑道中賦春寒

朝發葛院

次金斯百韻

喜雨次金斯百韻

又次斯百韻二首

夜坐書懷錄奉息庵

次金斯百韻二首

全義道中



買居鄭文翼舊第

挽宗姪 正字

廣德寺口占五言近體示諸君求和

訪講堂廢寺

五言排律

敬次伯氏贈友人二十韵述懷



一峯先生詩集卷之一

五言古詩 此篇錄于子至丁酉作

高山驛



朝發觀音村夕向高山驛山谷多險巖石逕何嶮峻  
天寒水急流林深恠禽哭溪行四十里盡日無村落  
黃昏始投店新月上天白

月夜步雪庭

夜起步空庭獨伴寒影行明月照我心白雪照我形  
形孤意自適心清身亦輕恍聞碧雲裡遙送笙鶴聲  
飄然欲飛去長嘯萬峯青



夜夢金斯百錫胃

別來日月深歲暮幽愁結今夜夢君面握手話契濶  
覺來又成別惘然還自失空齋夜如水落月影半缺  
攬帶獨起立涕淚沾巾幘回琴彈一曲悽斷不成闌  
郢客久已沒何人和白雪黃鵠本高飛寧為鷓鴣唱  
行當與吾子歸卧滄洲濶

庚申夜會飲沉伯衡機家余作長句近體各一  
座中人或毀或譽戲作俳諧語解之

作詩不須毀毀而怒癡作詩不須譽譽而喜則卑  
二拙任自然隨意揮洒之陶陶逸興足襟韵自曠夷

又疊前韵詠懷

巖際茅亭鎖暮霞籬一逕自橫斜松當歲晚逾舍  
翠菊傲霜寒半折花誰向白雲尋隱跡獨從空谷攬  
秋華知君更被間愁惱黃葉蒼苔晝掩家時微伯

次申瑞明韵

白雲深處鎖仙家清景秋來特地誇無事每馴壇上  
鶴有時閑訪澗邊花蘭香襲袂堪為佩楓葉粧林乍  
暎霞惆悵郢音人寡和謾將幽抱惜年華

贈李次山蕭寺之行

茂陵吟病已經秋况是今朝又別愁明月小窓空對



酒白雲何處獨登樓時名落落吾堪笑詞藻翩翩子  
最優想得上方饒雪景倘將佳句遠相投

雪後登望終南小亭

古木槎牙石磴盤空山來眺歲華殘風鳴絕壑松鏗  
韻日挂高亭客倚欄雲裏樓臺雙闕迥雪中天地萬  
峯寒傍人且莫尋常道疑向龍眠畫上看

詠懷

瘦骨峻嶒病互侵決旬寒卧但親衾光能射斗誰看  
劍才或庄時抵負心之夜孤燈搔髮短一村殘雪閉  
門深陽春自是無人和莫把哀歌奏古音

寄語座中人此意知不知

七言古詩此篇錄 子至丁酉作

黃龍行贈演上人之楓嶽戊子冬在安邊

咸鏡之道鶴城郡有山有山名黃龍黃龍之山冠北  
方岡巒削出金芙蓉元功直與乾坤並秀氣多因造  
化鍾噴雲泄霧藏半腹突兀參差相疊重俯臨茫茫  
大海上洪濤巨浪相撞眷我來試向最高頂石徑斜  
日飛短筇黃昏始投招提境冰輪已自天邊鏑時聞  
清風動脩竹林中萬籟鼓笙鏞平明出門問前途有  
僧指路來相從引手攀蘿到龍湫百尺深潭碧溶溶



木蓮花發繞水旁山中遠近香霧濃尋源直抵上上  
頭不覺幽興盈襟肯遙看蘭若在林端數聲清磬屬  
踈松二三道人住其間招我入室相敬恭中有一禪  
氣軒昂物外高標超凡庸眉目清秀意態淨瘦形可  
比孤鶴容云是金剛山上僧來住黃龍經十冬我欲  
冠之不可得坐脫神骨心魂鬆携手更登廣石上巖  
下流泉響淙淙歸來雖不每會面亦能時時得相逢  
今欲尋師向楓嶽使我心中苦無怵身寄虛空如過  
客雲遊萬里難追蹤嘆吾性癖亦愛山到處尋山意  
不慵明春花時定與爾共遊金剛萬千峯

十月初與諸友會飲于權汝綱斗樞家盆菊方  
盛開今夜復會訪仙衡家唯見白雪滿山轉眄  
之頃景物頓異懷往感今情見于辭仍賦長句  
一首示座中諸益求和

昔日我從壽家飲堦上寒花滿意開徵杯泛英不問  
籌酒酣意氣何崔嵬健筆縱橫走龍蛇新詞錯落聯  
瓊瑰陶然不覺西日暝留待青天月上迴今夜終南  
復高會滿山唯見白雪堆節物風光不相待天時人  
事謾自催相看鬢髮漸老蒼對酒不飲何為哉床頭  
莫惜黃金盡甕裡須傾綠蟻來功名富貴各有時我



曹豈是終蒿菜啣嗽已任俗子譏揣摩唯信經濟才  
男兒行世本如此誰復局東趨塵埃淵明逸興此時  
多阮籍清狂君莫哈喧呼取醉不知寐月色倒映玻  
璃杯

夜深諸友皆寐對可獨酌逸興飛動走成長句

二首

把酒我問青天月能經今古幾英雄采石曾伴謫仙  
人赤壁更友東坡公謫仙東坡今寂寞來照揚卿酒  
杯中揚卿意氣太濶心何似當時兩仙翁兩翁風彩  
雖不見對月酣歌氣味同况復終南雪色高金波滿

地光玲瓏人照白雪雪照月月影入杯杯影空傾  
並與月光吸瑩然冰玉相襟肯飄飄逸興若羽化碧  
海何處蓬萊宮便欲凌風向此去下視塵世驚塵蒙

又

月在天上明雪在地中白雪月瑩相照上下同一色  
玉人在其間把酒發高詠肯襟湛若虛皎皎冰臺映  
若謂雪勝月月色逾清迥若謂月勝雪雪光更寒淨  
我心比雪月斗覺偏皎潔可憐雪月人炯然無區別  
何處不有雪何處不有月孰有愛而翫能如我心樂  
樂意我自知不必向人說唯當對雪並對月吸盡金



樽滿樽綠

五言絕句此篇錄戊子至辛丑作

即景戊子在安邊

細雨蕭蕭過前村日欲斜牧童橫笛去亂插杜鵑花

伏次 嚴親下示韻

清夜樽前會班衣五六人稱觴齊獻壽山海祝 雙

親

山齋庚寅秋在青白堂

山齋晝寂寞落葉空山來日暮閉柴戶蕭蕭寒雨哀

落日

落日遠山紫兩餘涼氣多蕭蕭夕風起江渚生寒波

次錢中郎江行七首

騷人寂寞恨歲暮江潭時中夜拂長劍雄心自不夷

羨玉自多價何勞十上秦深秋獨閉戶長對卷中人

右二首漫興

獨卧不成夢中宵萬古心此時何所聽寒月數聲砧

右聞砧

野曠僧歸獨山深客到稀閒看江上鷺遙帶夕陽飛

右即景

秋風起百感烈士悲流年夜坐獨長嘯心如不繫舡



右悲秋

水吞沙岸濶天入暮雲空一杖松林月風高聞啾鴻

右松亭聞鴈

落木蕭蕭下秋江一夜寒孤舟風露滿移棹入前灘

右落木

問寒梅

素蘂綴何故窮冬尚未開得非春意動要作百花魁

寒梅答

非如桃李輩苦待韶光回要惱騷人興絨香故未開  
雪夜詠月仰呈伯氏兼寄金斯百

影落空霄月光搖遠雪花山中人似玉獨立望天涯

懷仙謠

蓬海三千屬青鸞信不來空山歲欲暮歌罷紫芝哀

夜夢 親庭

露下蛩吟月風高葉語秋曉來孤客恨昨夜夢東州

聞子夜鷄

風雨空齋夜青燈影半低無人共起舞有客獨聽鷄

傷時二首

黃閣經綸密蒼生產業非誰將安上畫排闥獻天  
堦



又

遜世心還切，匡時計已消。遙憐賈太傅，枉哭聖明朝。

春雨

地僻春扉掩，幽居斷世情。朝來山雨足，啼鳥更新聲。

奉次申春沼韻

出處何非道，閒忙且任時。靜觀羣物理，默默坐如癡。

重尋道峯書院

五到道峯院，誰知我意偏。窓前萬仞壁，相對却欣然。

步出泉邊

澆澆石泉響，嚶嚶山鳥鳴。悠然雲裡宿，與我兩忘情。

午膳方熟，忽驚雨聲，仍吟一絕

多小山中味，深春獨樂身。遽然午夢覺，窓外雨聲新。

出遊泉上

步石尋流遠，看雲出洞遲。山花向我笑，折取弄清漪。

霽月樓聯句

醉倚高樓飲，月明花作陰。伯人問無此景，相對淺深。

對揚

霽月樓示金亮卿世翊求和

春晚惜年逝，詩成宜酒賒。君看香雪落，月照滿庭花。

訪上菴菴僧印祐，多諳佛經，且知詩可與語者。



與余有舊是日適出不在遂題壁上二首

偶到雲間寺閒題壁上詩真仙應在此峯壑摠堪疑

又

不逢惠遠師誰和淵明詩笑別雲山去秋風是後期

送春日不可無詩酒買濁醪細酌吟成二絕示

亮卿

有詩題客思無語送春華尚愛窓前鳥偏啼未落花

又

一歲韶光盡三杯醉興長花飛猶有跡莫掃滿庭香

乙巳二月發咸陽向洛鄭景綏有禧自晉州來

會雲中騎出兩青龍

夢遊楓嶽

夢裡抽身到玉峯羣仙笑指日輪紅弄罷鸞笙聞上

鶴白雲飛盡海天空

病後覽鏡

朝來攬鏡照枯容病骨嶮然一老翁二十男兒還若

許逢人羞說伯玉功

四皓

白首商巖世慮空休言當日到塵中安知羽翼青宮

客別是田家四老翁

高麗崔拙翁詩曰漢用奇謀立  
帝功指揮豪傑若兒童可憐皓



首南山客亦墮留侯  
計畫中聊反其意

除夜

平居不識惜年華  
今夜方驚一齒加  
暗對寒缸愁漏  
斷曉鷄呼處髮生皤

晝眠

虛室寥寥散白烟  
晚來山色落簷前  
悠然一枕春風  
裡夢到羲皇太古天

奉驢春召文歸廣陵

休官行色快如飛  
林下爭看有客歸  
從此廣陵山後  
里水雲溪月捻光輝

上太極亭是日奉恩寺僧適來訪

寒塘水落石稜出  
霜着巖楓一半紅  
談罷小亭僧獨  
去亂山秋色夕陽中

重陽日對雨有感

病裡悲秋倍斷魂  
幽懷悄悄向誰論  
無人解送黃花  
酒風雨重陽獨掩門

雪後在道峯

瑤林瓊樹望中鮮  
竒態爭呈雪後天  
獨有亭亭巖下  
栢歲寒孤節更蒼然

適見窗外梅花滿發對之欣然仍賦春興一絕



仰呈伯氏

梅花初雪柳颺金春興悠然着處深山鳥亦知人自  
樂隔窓終日弄清音

雨後出南郊

城南泥路不分阡行策羸驂渡水田日暮數峯雲外  
露雨餘蒼翠欲磨天

菊秋既望遊重興洞三首

滿山紅葉落紛紛山北山南路不分日暮上方何處  
是數聲清磬隔雲間

其二

上方秋色欲黃昏獨抱藜筇步石門流水繞山雲滿  
壑不知何處武陵源山中有武陵洞

其三

寒山來宿白雲中古寺僧殘佛殿空明月滿窓清夜  
永屬溪霜葉響秋風

曉雪

霜凝屋壁小燈昏紙被生稜冷徹以曉起忽驚天地  
白夜來寒雪壓貧村

送舍弟文卿歸覲 昌衙臨分走筆驢行

京國鄉關半弟兄別君今日倍傷情臨分更灑懷親



淚錯莫南雲萬里平

即事

春意盎然小雨餘漸看庭草上階除蒔花種竹還多  
事長向晴窗讀古書

戲題

今秋監會拙作與李壯元洞文多魁而考  
官多石李者降置之第四有來朝者戲而

賦

屈首科闈豈為名此心元在濟蒼生區區高下君休  
道一任人間兒輩爭

朝出崇禮門回望終南有感時有湖竹

鳴鞭馳出漢陽城朝日初披宿霧晴別路依依誰送

客終南山色望中青

夢家

身隨一劍向天涯別後鄉關望轉賒魂夢不愁雲嶺  
隔夜隨殘月獨還家

詠懷

天涯來作遠遊身歲暮湖關霜雪新羣醉世間醒不  
見楚雲何處覓靈均

鎮岑道中

長郊夜雨洗歸程搖落山川帶晚晴天外白雲欣入  
望征人遙指漢陽城



一峯集 卷之一  
來渡銅江津涯已合冰矣

芳蘭為佩玉為心行色依稀楚澤吟底事寒天滿江  
雪更教冰合照吾襟

余檢行李只有古劍一把香抽一枚杜律一卷  
仍成一絕

江山到處鎮相隨遊子襟期一劍知更愛袖香偏入  
鼻袖中况有少陵詩

春日在道峯

春日初暄谷鳥吟偶扶藜杖到溪潯閑看草木欣欣  
意默契乾坤造化心

追送春沼靈櫬於廣津風日陰曠江濤洶湧行

立悵望懷抱自惡遂成一絕

風撲丹旌浪撲舟靈輻哭送廣陵洲傷心不獨沙頭  
客嗚咽江波亦不流

舟下龍津

龍津歸路白雲間二月春江江水寒橫挂片帆紅際  
立晚峯爭掃碧螺鬟

睡起 戊戌春在道峯

萋萋庭草欲侵墻春晚山齋白日長睡起午窓無一  
事暗風時送杏花香



一峯集 卷卷之一  
午睡初覺金斯百忽自京中佩酒來訪仍與院  
中諸友同出泉邊對酌醉中口占四絕  
松窓日午夢初回忽有閒人載酒來攜手共登盤石  
上山花無數映金杯

其二

步屨尋芳日日回巖花應笑客頻來兒童莫道樽將  
盡須向清泉更洗杯

其三

山勢嵯峨水勢回新詩吟罷白雲來春風似解遊人  
意時送飛花落酒杯右三首次金斯百韻

其四

飛花啼鳥欲殘春谷口攜壺醉興新留待月明聯袂  
去野童驚訝畫中人

申寅伯最趙公舉師錫諸友自京携酒而來會  
飲霽月樓上醉中口占

晚來風日轉清娟徙倚高樓聽玉泉春酒一樽人欲  
醉滿空紅雨落花天

金亮卿先歸臨別索詩信口贈一絕  
花發逢君花落別逢時相樂別時愁休把去留花裡  
寄綠陰芳草更堪遊



雨中躑躅

瞥眼風光捲委塵誰裝紅萼雨中新  
嫣然似笑芳菲盡獨占山家分外春

別道峯

三月來遊四月歸巖花落盡樹陰肥  
奚童且莫催鞭馬背後青山望漸微

小亭初成揭號以此君詩以記之

堂成揭號此君亭辛苦移叢繞小庭  
要待萬林黃落後獨看寒色雪中青

蓮亭夜詠

窈間月到人驚夢池面風歸露溼荷  
起視小庭明似畫一雙眠鶴倚松柯

聞新蟬

風來砌竹移疎影雨後山嵐帶晚晴  
病裡又驚秋序近隔林蟬唳送新聲

謝權汝綱雨中分竹進退格

新開蔣逕繞籬根托契平生在此君  
感子歲寒相勗意一叢移雨到山門

又以一絕乞菊

堦上蒼松堦下竹襟期共結歲寒情  
從君更覓東籬



一峯集 卷之一  
菊會待清霜餐落英

送春日偶題

庭院風微蝶戲輕角巾終日坐軒清春歸似慰幽人意留得桃花一樹明

蕭寺雨後獨坐庚子棲仙狎寺寺在任實地

蕭寺棲遲過一旬敢將經傳究天人喜觀萬物涵陽處生意油然雨後春

錦江

青山繞水水回郊日照沙堤白馬驕滿眼乾坤光景媚春風獨渡錦江橋

成歡道中

秦城歸客懶揮鞭料峭春寒二月天薄暮長郊人欲斷遠看孤店起青烟

雨後

雨後班鳩相喚鳴客程春色惱詩情緣溪盡日孤吟過時見村花一樹明

次能上人韻

寒花伴客寂寥開剝啄欣看白足來留與說空忘日夕更携秋色上高臺

參禮道中



春回遠客發天涯二月湖城未見花昨夜小村山雨  
過滿谿芳草自抽芽六天一答元珍律白春風凝不到  
枝猶有橘凍雷驚笋欲抽芽  
豈嘗見而忘之耶聊存之

落花進退格

間關乳鳥自呼羣深院無人晝掩門風雨一番花事  
晚滿庭香雪落紛紛

深居癸卯秋

深居不出動經時真味悠然我獨知楓葉菊花相暎  
處一丘秋色恣宜詩

睡起對菊花有感

暫向軒義夢一場起看天地已斜陽經秋未改風霜  
操獨對籬邊晚菊香

夜來對月欣然率爾口占

閉戶空山紅葉深絕無車馬到雲林獨憐夜夜峯頭  
月來照幽人一片心

奉次真珠使君韻

一棹飄然泝碧灘蘸江千疊玉屏寒懸知望月孤吟  
處應喚為仙不喚官

思波亭夜坐賞月

一出都門世慮空滄波萬頃碧磨銅霽天明月清秋



夜飛閣來憑縹緲中

二月旬後自嶺南返洛來渡尾灘春江正漲鷗  
鳧驚散中流戲賦丙午

東風吹送一舸輕獨樂亭前春水平三載重來遊子  
與白鷗何事謾相驚

朝日已酉春在道峯書院

地靜心閑夢亦清誰知外境助真情朝來洗滌開黃  
卷旭日昭昭照案明

夜月

春日山齋事事清鳥啼花笑捻詩情知心獨有青天

月夜夜相看一片明

與院中諸益上中臺看瀑

步石緣溪行復留日斜纔得到山頭真源恐被塵人  
識莫放閒花沁水流

訪李生彥綱不遇歸見李生亦來叩交違留詩

欲去相視欣然終夕款晤有菊無酒愧無以待  
遂以一絕謝之

城西剝啄悵空迴來到山齋眼忽開一首清篇三枉  
義秋風愧負菊花杯

其二



青眼山谿一笑迴小齋新掃白雲開黃花赤葉九秋  
興濁酒清詩三兩杯有事出門遇李生來訪遂與之  
迴對菊細酌翌日李生步前  
韻二疊以困之又飛  
書促和走成以謝

其三

深山有約玉人迴寒日傲霜黃菊開人羨菊香俱可  
愛摘來秋色泛金杯

霽月堂十詠

捲盡浮雲霽色空一輪新月上天東山河大地光明  
裡居士肯襟洒落同

石東嶺霽月

古靈山迥插青天霧罷清光碧似烟向晚白雲生頂  
上倚窓終日看悠然

右古靈晴雲

二陵松檜遶茅堂翠色寒聲十里長最是雪霜天地  
白歲寒柯葉更蒼蒼

右二陵松檜

杜鵑花發四山紅亭在花間似畫中莫道山翁貧活  
計春來錦障繞西東

右四山杜鵑

亭上閑人閱簡編亭前春水碧淪連風恬日暖游魚



躍物我無心共樂天

右前溪遊魚

楓林一夜落清霜紅葉玲瓏透夕陽不必較妍三月  
萼但看春色與秋光

右後崗霜楓

圓塘水滿浴鴛鴦萬朵芙蓉耀太陽亭上玉人無箇  
事製花為佩葉為裳

右南塘荷花

淵明去後有楊柳隱逸偏多愛菊情歲晚羣芳皆已  
歇獨從籬下採金英

右東籬菊英

長郊極目綠無涯雨後萋萋草色賒牛背牧童何處  
去數聲蘆笛夕陽斜

右長堤牧笛

時平無事樂耕耘何幸斯民際 聖君兩順風調真  
上瑞晚秋田野靄黃雲

右平野黃雲

清平四絕

希夷仙骨去無蹤梅月清風詎可逢祇有兩公棲樂  
地半天高插玉芙蓉



右懷希夷梅月兩公

慶雲寺下瑞香東萬古方塘一鑑空影落芙蓉千疊  
玉箇中金刹更玲瓏

右影池

芒鞋踏破白雲封更上芙蓉第一峯羨水佳山看不  
盡暮天長嘯倚孤松僧言峯後數里許有泉石勝絕  
處而日暮未及歷賞故未句及

右登芙蓉峯

雲霞深鎖梵王宮偶入廬山謁遠公夜靜諸天閑對  
榻禪心月色一艘空

右贈寺僧

獨坐東軒望南山寺有感

民生愧未千人活時務徒令百慮牽遙望白雲山上  
寺却思投紱往叅禪

重陽日與學子數十人登北山上仙臺望海  
落日微茫大海迴九秋來醉最高臺冠童左右成行  
坐白髮蒼顏太守顏

五言律詩此篇錄庚寅至癸卯作

江望庚寅秋在德淵青白堂

小閣開晴望千峯淨色多雲歸極浦盡鴈向遠天過



夜寂秋生樹江空月入波漁舟人不寐風送數聲歌  
即事

地僻雲封戶秋深葉滿庭  
眼空歸鳥沒吟斷遠山青  
古木晴烟散寒江暮靄冥  
漁人閒送笛新月照沙汀  
夜別趙公舉走筆驢行

羨君成遠志愧我尚塵情  
江海歸心浩春風一騎輕  
天長蠹石野日落洗兵營  
倘記壯遊跡後看病眼明

春日登家後小園

煖艾還情伴攜筇陟後園  
陽和浮草木春意動乾坤  
雪坼崖全濕禽謠景漸暄  
悠然閒興極竟日澹忘言

江行

八月蘋風起蕭蕭蘆荻多  
秋聲向暮緊野笛隔江過  
拖白雲歸洞翻金月湧波  
此時何處客更發竹枝歌

秋夜

秋夜步庭際淒淒露濕衣  
詩從月下得影向菊邊依  
歲晚山容淨居高塵事稀  
風光且若此不必賦言歸

揚州途中丙午春歸觀鶴林 親庭

惜別當年恨趨庭此日情  
歸心如逝水屈指筭前程  
花眩吟眸亂風飄彩服輕  
鳴鞭出山谷林外夕陽明

過洪公命考忠烈碑進退格



舊許捐身節今過破虜營雲埋古壘暗草沒短碑青  
壯氣風霆怒孤忠日月明英魂招莫返撫劍涕橫零

金化道中

客路當三月烟花處處林風歸紅雨亂日午綠楊陰  
谷鳥參差語溪山宛轉深新詩與春興忘却遠遊心

滯雨金城

滯雨金城縣孤村坐寂寥行裝劍獨在歸路莫還遙  
歲月英雄老風塵髮髮凋明朝登大嶺雲海望迢迢

朝發金城

夜雨泥程滑朝溪宿霧移春山添活畫遠客又新詩

爽氣青天霽韶光白日暹男兒遠遊興誰復泣途歧

曉行

長堤迷曉色十里斷行塵細雨雙飛鷺寒溪獨渡人  
烟沉孤店小霧罷遠峯新誰喚龍眠筆能摸箇裡身

後闕象村詩話載宋歐伯威詩云細雨雙  
飛鷺寒簑獨釣船余怪其暗合仍存之

道中逢雨

冒曉離村北崇朝指嶺東青山遙隔霧白雨亂隨風  
野色蒼茫外天光黯慘中春泥深沒膝顛仆泣羸童

旅店夜吟

側景鳴寒杵孤村暝色沉川聲雨後壯客思夜來深



旅泊三春恨飄飄萬里心防身有寶劍彈缺獨長吟

麥坂二首

宇宙何年闢山河此道難人從天上下江自霧中還  
急浪蒼龍鬪高岑白日寒愁看雲樹外遙指是東關

又

山行藤絡足溪渡水侵鞍遠岫披雲碧朝暉出霧寒  
天低愁麥坂樹豁見新安卸馬倚林樾長歌行路難

有京便奉呈伯氏

第到關河日只還洛浦辰風塵長作別歧路各沾巾  
地遠逢書潤春深夢草頻相思無限意題寄北歸人

野迥

野迥寒烟積山深苦霧多民心看穢貊地勢限關河  
不雨天常黑無風海自波三春孤客恨萬里獨長歌

詠懷

絕域延愁望荒城祗暮烟夜涼人獨詠天迥月孤懸  
江海身千里乾坤客十年時危徒感慨撫劍一茫然

麥坂

急浪奔開峽危途峻插空頻年長遠役此地又重逢  
谷暝蘿懸雨林深鬼嘯風孤歌攀絕壁顛仆半成翁

春日詠懷二首



細草綠堦長  
遙峯八座寒  
庭空春鳥語  
日午篆烟殘  
病起誰相問  
詩成獨自看  
悠然高睡足  
清夢落江干

又

地僻人來少  
茅齋晝掩扉  
媚陽花獨笑  
刷羽鶴相依  
春事看將晚  
鬢華覺漸稀  
幽懷無與語  
默坐悟真機

果川道中

艤舟別前浦  
策馬上高巔  
石拆通微徑  
林鳴走暗川  
遙村依僻野  
古郭起荒烟  
盡日尋征道  
愁吟落景懸

沙斤店夜吟

路遠知身苦  
秋來覺夜長  
寒蛩啼暗壁  
落月滿虛堂

道在名何與  
時移髮欲蒼  
蒼中育千古  
意愁坐獨商  
量

步出前溪望月

旅榻清無寐  
寒宵獨步徐  
秋生高樹響  
月入小溪虛  
天地空搔首  
江湖緬憶魚  
年來頻作客  
愁絕欲沾裾

曉發沙斤村

小澗鳴籬底  
茅齋夜色幽  
青燈孤客夢  
白露五更秋  
世事誰前定  
吾生本自浮  
鷄鳴向前館  
歲晚更遐遊

又

曉發沙斤館  
清秋獨遠征  
殘星數點白  
落月半輪明  
露濕田花落  
風高店杵鳴  
飄飄何所適  
立馬更含情



過洪慶寺遺墟

清秋驅匹馬落日渡寒溪  
事往人誰在碑殘草自萎  
樓臺荒礎廢風雨幾年迷  
緬憶歸雲句長吟意更悽  
成歡芙蓉池對月飛觴

客裡逢佳境閒來試把觴  
夜深池淨鏡天迥月如霜  
擲崖遊魚樂依荷宿鷺涼  
興闌渾不寐零露滿衣裳

全義道中

衰草連天暗黃雲去野低危橋人獨渡  
落日馬寒嘶  
遠適愁長路閒居憶舊樓  
何時謝世故歸卧月明溪

曉霧

曉暎靈山碧朝巖  
晡日紅原浮波渺  
海岫露島涵空  
浩盡驚天妙奇形  
寫孰工新詩之傑句  
獨立巖搔蓬

重尋道峯書院

凍雨蒼崖滑凌兢  
馬不登雲沉山缺  
岫水落石生稜  
一剎驚年邁重尋喜  
我能齋童猶記面  
依舊點書燈  
往拜春沼申文於水湖道占一律奉呈求和

霧日寒光薄汀烟  
晚色真偶乘剡溪  
興來叩子雲亭  
雪壓踈籬白松舍  
暮歲青欣然解榻  
處相對說玄經

附次韵

春沼

雪積乾坤暮烟沉  
浦渚真無人解問  
字盡日不閑



亭忽接君眉白能令老眼青詩成酒又熟何必要  
談經

奉次春沼喜雨詩韵

責六湯誠切連旬霈澤甘欣看景物潤休道客眠酣  
慶想龍樓賀豐從野老探詞人新草頌何路達封函  
又

閉戶無人問耽閑此味甘簟涼逢雨喜酒薄得詩酣  
翫物心誰悟尚玄我獨探優游以卒世聖澤一身函  
菊秋既望與申寅伯李樂甫憲金斯百李次山  
嵇沈伯衡申瑞明儀華遊重興洞三首

斜日重興路秋光乍染山人從紅樹入僧帶白雲還  
古壁形偏恠奇禽語自閑諸天知不遠寒磬落層巒

其二

暎日楓林晚繞山石路深水流仙洞遠松老古壇陰  
採藥人何去尋真客獨吟奇遊如再續重入白雲岑

其三

偶脫紅塵累來從淨界遊疎鍾雲外寺寒月澗邊樓  
洞僻乾坤別山深松桂幽客懷清不寐閒步萬峯秋  
閒居一律寄沈伯衡求和

茆屋終南下柴扉盡日扃才疎人共棄道大我無營



積雪連峯白孤松覆壑青新詩有餘味吟罷更關情  
附次韻

湖海思歸客風塵獨掩扃蹤跡下屈末路愧蠅  
營暮岫凌雲碧殘燈入夜青懷人又不見惆悵若  
為情

次沈伯衡韻

鍊句髭頰撼看山空屢移寒松風掃影古木雪封枝  
道在常探奧名浮久絕思知音幸過子綺語解人頤

詠月蝕七夜月蝕

影轉初筵鏡光沉忽挂鉤陰陰萬象暗窅窅一天幽

更也人皆仰消時我獨憂狂懷何處訴迢遞望宸  
樓

奉次春沼申文韻

病卧寒齋久清詩忽起余風塵甘落拓關塞問何如  
春動梅如雪簷虛月照書相逢且酌酌不用戀樵漁

附原韻

春沼

白髮難禁得青春忽負余誰憐寒范叔空老病相  
如天下無知己床頭有古書准中古廬在何日伴  
樵漁

登終南小亭賞春時正二月念間也進退格二



偶爾携筇到悠然坐不歸山容雲半露春意鳥深知  
池暖遊魚出林幽過客稀靜觀羣物茁天地自無私  
亭前有半  
月池養魚

一即事

巷僻門長掩人間一院深雨餘觀物態春至見天心  
種藥繞畦畔哦詩還夕陰忘機吾已久塵事絕相侵

重陽夜申瑞明携壺來飲醉中走筆是日終夕  
雨入夜

始霽

未展佳時略空懷今古愁青燈一夜雨黃葉萬山秋  
醉興從深酌佳辰負勝遊猶憐縱談處意氣傲公侯

陪云君遊重興洞閩瀆巖山人守一適來訪

步入仙山路巖崖自不同秋林霜落後人語水流中  
石淨渾如洗詩清未要工此時雲衲至相對證玄空

青鶴洞次申寅伯韻

寂寂山光晚紛紛黃葉飛緣溪偶深入得句澹忘歸  
水落層巖秀烟沉遠樹微悠然坐到夕松翠滴寒衣

夜聞寒葉鳴雨覺而有感

寥閨茅齋掩床頭卷秩堆中宵客夢散枯葉兩聲來  
照壁殘燈暗嘶空斷鴈哀幽懷獨輾轉默數曉鐘催

漫興



寂寞山中舍蕭條歲暮天愛閒仍絕世閉戶獨探玄  
吟或拈毫寫倦時倚枕眠從來陶處士萬事一悠然

渡銅雀津中流有感時有湖村

寒日津亭外孤舟艤北風天晴萬峯出霜落一江空  
撫劍心猶壯懸帆路自通中流試擊楫慷慨氣成紅

余未嘗窺李白律語今朝偶披見之有天晴遠峯出水落寒沙空之句與第二句語意暗合喜而仍存之

沙斤店逢雨衣坐書懷

獨坐荒村夜羈懷問孰雙孤燈寒照壁細雨暗投窓  
吟舌髭空撚愁饒酒未降更堪籬外水終曉響瀧瀧

早發葛院

客有遠行役淒淒冒曉風飛霜四野白初日半天紅  
歲月身空老湖山路不窮平生丈夫志旅泊愧西東

成歡道中進退格

十月成歡道征驂倦却遲薄雲愁未散寒日淡無暉  
為客身良苦摩肯計自竒男兒聊信命不必怨離違

瓦灘

誰謂風塵際支離尚此身浮名聊失笑世事謾沾巾  
曉月催離店寒江獨問津丁寧謝舟子莫怪遠遊頻

重上獨樂亭

一別今三載重來已過秋江山猶記面天地獨登樓



久客凋青鬢浮遊愧白鷗空將千古思寒日解孤舟  
鎮峯道中

曉渡瓦灘水遙遙指鎮城破村依峽小殘日漏雲明  
僮僮相看睡騎行自認程愁心強拔劍濩落笑吾生  
展謁 先祖考墳塋

寂寞空山裏燒香獨奠觴孱孫能記緒餘慶幸登庠  
霜露丘陵感雲烟草樹荒追惟十年事悽咽欲沾裳  
滯雨

汨汨為形役飄飄作遠遊空山雨滯客寒杵夜春愁  
酒薄詩難就燈明眼欲羞從來憂世志萬事八搔頭

昌陵道中

斷橋來獨渡行色剝蕭然馬瘦困泥岸鴉飢啼野田  
遠峯含落日孤店起炊烟却望終南色寒吟強着鞭  
敬次伯氏韵持在道峯

倚杖逍遙處春風步履輕禽聲嘆日碎花影落潭明  
坐石觀魚樂綠溪愛草生天遊吾自得浮世久逃名  
雨中偶吟

隱几蕭然坐朝來雨洗塵吾心久忘我萬物自生春  
洞濕雲猶在泉添澗不貧箇中無限趣花外鳥聲新  
雨後出詠歸門



雨霽韶光艷相携上翠微石滋苔印屐花亞露沾衣  
遲日鳥相語遠天雲獨飛倚筇時矯首幽興澹忘歸

眠起

眠起獨無語開窓覽物華翠來雲出岫紅落鳥飛花  
靜味閒中飽春容雨後誇地清塵自絕長日鎖仙家

會霽月樓邀月口占一律示金亮卿求和

地僻超塵界人逢是勝流論詩到半夜邀月上高樓  
霽景澄疑水疎襟爽似秋何緣一樽酒同入醉鄉遊

漫興二首

高卧林泉興閑來更欲誇機心塵外息玄趣靜中加

暮出雲迷徑朝吟露壓花一春無事處時或會南華

又

獨坐虛明室潛觀萬物心和風時入戶春意藹盈襟  
鳥語天機在花開生色深誰知世外樂都屬此間吟  
與金亮卿伯仲及舍弟文卿同訪上菴道中有  
石窟窟中有小石佛傍有杜鵑一叢方盛開信  
殊品不繁而麗與山下諸花大異石路懸空望  
若上天口占一律

路盡疑無地巖開別有天千年孤佛坐一樹異花妍  
攀壁雲隨步凌風骨欲仙應知蓬海客鸞馭此翩跹



訪申寅伯於青鶴洞口占一律求和

愛子饒清趣占茲福地偏  
簷排萬峯出巖坼一泉懸  
對榻閒開畫傳杯不避賢  
興闌山色暮孤嘯挹蒼烟

是日觀李畫師積山水圖仍酌濁醪故五六及之

賦草堂

偶結三間屋仍專一壑  
棲草綠移竹去籬為見山低  
羨鶴成琴友藏書欲架齊  
猶堪寄嘯傲不復羨猿題

車踰嶺進退格時有任實之行

為向公山道愁攀石嶺危  
征鴻雲外啖黃葉馬前馳  
客意自多感秋容看更悲  
明朝攬鏡照雙鬢頭驚稀

又

八雲重嶺峻清曉  
斷人行歸客悄無語  
恠禽時一鳴  
巖楓霜後醉朝日  
霧邊明更把前程  
筭愁連長短亭

曉發恩津

曉店鷄聲亂催行  
任冒風星河微欲曙  
霜月迫當空  
獨在防身足時危  
歎道窮猶憐溪上  
岸楓葉向人紅

參禮村舍滯雨

空山滯雨客愁坐  
欲黃昏寒雨濕枯樹  
亂烟生遠村  
苦吟雙鬢改多病  
一身存寂寞親  
雄劍幽懷共孰論

天台菴在任實



萬古天台洞真搜入短筇小菴流水繞深壑白雲封  
好客幸相會真人何處逢尋源無限意落日倚孤松

敬次伯氏韻

虫語亦何苦客心空自愁思量千古意寥閔一堂幽  
地僻露華冷天虛月影秋感深成兀坐明滅數螢流

次息庵韻謝趙正字公舉來訪

秋夜挑燈話還應到曉分世情偏笑我交誼獨憐君  
滿地鷄爭啄中天鶴不羣丁寧箴警意努力任斯文

又次息庵韻

澗聲秋雨後山色夕陽餘有志客離俗無心雲繞居

功程看草木道體驗爲魚萬事悠然地高吟引步徐

與斯百訪道成菴入洞口占

日午松陰直緣崖細路通孤吟向蕭寺逸興任秋風  
葉醉殷如錦峯寒翠入空騎驢肩聳處着我畫圖中

道成菴夜坐細酌申徵明

以華諸友先已負笈  
寒雨鳴霜葉虛堂照佛燈傳杯逢舊友軟語對高僧  
古寺秋將盡涼宵夢亦澄令人發深省清磬落雲層

余次斯百所得見古僧戒安詩軸軸中詩僅十  
篇而率出於文章巨手五峯首題玄軒月沙一

松西垞東岳簡易南窻石洲五山續而和之可



見一時人才之盛也噫今世安得見此等人也  
遂感而步其韻

前輩文章在清詩起病夫乞歸知有意題品笑徒愚  
藝絕同鳴世時危獨撫吾沉吟倚虛閣秋雨撼池蒲  
鎮岑道中賦春寒

二月寒猶重千崖雪未消雲陰欺白日風色振長郊  
縮手客行苦絨香花事遙行看雷雨動春意一朝饒  
朝發葛院

斗室昏如蒸終宵寐不成呼童看雨意側耳數鷄聲  
歷苦方知學省親敢憚行朝來催上道溪柳吳新晴

次金斯百韻丙午

花滿堯夫宅柳垂陶令居懶猶耽三學貧亦有床書  
自得衡門樂誰將化日舒西疇方有事時或命巾車  
喜雨次金斯百韻

好雨自知節幽人欣未眠始驚鳴樹杪漸愛注簷前  
萬共花如海千村麥秀田斯民天豈捨一需驗豐年  
又次斯百韻二首

避世吾何敢樓山自喜深葆真渾道氣樂靜似禪心  
寂寂常扃戶悠悠獨弄琴夕陽時矯首歸鳥倦投林  
又



一兩晚初霽小堂清更深薇花新拆藥蕉葉欲抽心  
物態看春夏生涯送酒琴蕭然午夢罷鶯語在青林  
夜坐書懷錄奉息庵

獨坐深更夜繁憂不自裁正懷南北慮還軫小民哀  
世事猶堪做經綸豈之才茫茫上天意至月有華雷

次金斯百韵斯百時以接懋官在東萊

偃仰神情逸驅馳鬢髮明君身已許國吾道不要名  
花柳池邊月雲烟海上城別離鶯節序春草喚愁生

附原韵

斯百

顛髮三分白鬢毛一縷明少年茲面顏何日更功

名蠻兩春沉市鯨濤夜拍城通夷吾計拙孤絕百  
憂生

再疊

故人千里別書至眼先明夷險應同操賢勞豈為名  
春歸日南域花滿洛陽城兩地遙相憶三看月魄生

附原韵

絕域愁誰語行裝我自明已嫌頗識字何用更求  
名急雨通夷館飛雲隔漢城何當公事了歸學華  
山生

全義道中



千里湖西客仲冬半月行川原還上下雲日適微明  
歷問野人路時聞山鳥聲寒天搖落意風葉更悲鳴  
買居鄭文翼舊第

文翼經營地居然屬一峯冷冷小石澗落落斷崖松  
秋葉當窓赤春花滿壑濃葺修仍舊貫常對碧山容

挽宗姪正字

少年名進士詞藻筆鋒俱異日一枝桂吾家千里駒  
承宗忽爾失空涕共兄呼可惜邯鄲壁茫茫造化爐

廣德寺口占五言近體示諸君求和

廣德何年寺樓臺勢切蒼雲霞巖佛骨日月仰宸章

夜色千峯肅溪聲萬壑涼金沙竒絕地一宿信難忘

訪講堂廢寺

簿領三旬苦春風一日閑傍崖經聲確入谷聽潺湲  
廢殿金身古殘碑碧蘚斑溪山有宿債早晚出塵寰



一峯先生詩集卷之一

一峯先生詩集卷之二目錄

七言律詩

漫興二首呈伯氏

送趙公舉之嶺南

追寄趙公舉嶺南之行

釋悶

奉送申春沼之任狼川

淨土寺書贈澤上人

漫興

讀野史悼朴仲悅聞死直

夜夢 親庭

發長安

楸地嶺下有感

曉行

步上終南後麓次金斯百韻



觀臨穎羨人舞劍 送申寅伯之松都

復從春沼與李士休行逸諸兄登戴思亭

奉送春沼丈赴北幕 次申寅伯憶重興韻

又疊前韻詠懷 次申瑞明韻

贈李次山熱蕭寺之行

雪後登望終南小亭 詠懷

庚申夜會飲沈汝斗<sub>樞家</sub>

追憶庚夕會飲寄呈沈汝斗無示同遊諸君

詠懷

十月初會飲于權汝綱家二首

渡銅津

曉發燕歧向鎮岑

渡瓦灘

過素沙戰場懷楊公儲

詠懷一首寄沈伯衡

霽月樓有感

偶吟

敬次伯氏韻

雨中閑吟

登霽月樓望道峯

日晚步出澗邊

夜與院中諸友步中庭

雨中獨坐偶占一律仰呈伯氏

望月菴夜吟

醉眠盤石

自道峯還京歷賞曹溪

敬次伯氏韻記道峯舊遊寄諸友



陪伯氏送沈汝斗於江外與申寅伯諸益同舟  
而歸口占一律

詠懷

睡起

草堂對月有感

重陽日有感

旅店夜詠

卧治齋閑吟

自南還京道中口占

挽沈伯衡二首

次舍第成卿韻

八夜對月無寐吟舍第所寄詩有感次韻

送舍季長卿自金川入天磨看朴淵歸路歷觀

滿月臺

奉別李金吾士休兄謫西塞

敬次伯氏韻二首

敬次伯氏韻

秋夜獨酌賦得一律錄奉金壯元斯百

大極亭偶吟

送秋日有感

醉中口占呈金息庵

奉送東涯金侍郎愛標出刺真珠四首

葛院道中

朝發柳川

凌銅雀津

雨中獨坐口占

登終南賞春

獨酌有懷吟成一律寄金斯百



奉送伯氏歸覲任實 衙內

九月與金郎同舟濟露梁口占一律

敬次伯氏韻三首 八月十五泛舟漢江

自麻田向洛道中口占

丙午二月與舍弟文卿長卿行到瓦灘偶占一

律示長卿文卿出後伯父時在草土中

趙君汝吉嘉錫出宰扶餘過余自託謹奉一律

略申鄙意兼備驢行之儀

奉別伯氏九峯公以冬至下价赴燕四首

青鶴洞小構初成詩以落之

連寄金學士斯百接慰之行

棄水官印作觀行於麻田 衙中八月自麻田

洛留數日將歸西庄讀書到石銀津有感

登覽昭陽亭仍向清平

自清平迴又登昭陽亭

夏日即事

武陵臺口占一律示李生元慶尹生通三



一峯先生詩集卷之二

七言律詩此篇錄庚寅至癸卯作

漫興一首呈伯氏

曠曠初日照蒼紅好鳥喚人出屋東  
世事已拋輕屨外閑情都付短筇  
中居因斷客心常靜興到忘言句  
欲工散步却迷前去路奚童引入竹林叢

又

先生手闢竹門扃步出前林自上亭  
夜暝獨望孤月吐雲開遙認衆峯青  
閑來野景供佳句歲暮山容伴  
瘦形絕喜幽居占福地世間喧聒不容聆



送趙公舉之嶺南

寒卧城南閱一旬，那堪病裡送征輪。雲山此日償君願，塵土幾年羈我身。嶺路殘梅留舊雪，桂林幽鳥語新春。茲遊倘踏仙區遍，須把奇觀報故人。

追寄趙公舉嶺南之行

計子今朝到郢城，趨庭無憾遠遊情。醉臨滄海時憑劍，閑過仙山獨弄笙。壘石雲烟橫眼碧，雙溪水月洗心清。塵土十年徒夢想，半生愧負丈夫名。

釋悶

浹月幽懷苦未休，小兒濱死弱妻呻。十年肺病形渾

易半夜憂愁髮欲新，豈是天公於我薄。由來禍福本無因，清晨獨起茫然坐。窓外啼禽謾弄春。

奉送春沼申丈之任狼川

翩翩五馬出東關，二月郊原春尚寒。地擬桃源民物古，山同巴峽道途艱。朝天幾躡雲間鳥，泥竈常調鼎裡丹。早晚金宮傳詔日，看公歸壓玉墀班。

淨土寺書贈澤上人

癸巳秋與趙公舉金斯百同棲

上方臺殿鬱穹崇，俯壓滄溟萬里通。地折橫看金浦北，山開遙認洛陽東。雲籠野色平朝壑，風捲江帆落晚空。客到偶逢重九節，滿林霜葉染猩紅。



漫興

門掩終南小洞天晚來風日散晴烟幽人獨採黃花  
立瘦鶴孤依白石眠山際片雲閑自在箇中真意更  
悠然却憐靖節先知我遙揖清芬百代前

讀野史悼朴仲悅閻死直

曾看寶唾已傷神今日芸編倍濕巾豈獨雄詞鳴大  
雅要將直道濟斯民朝廷枉殺無雙士天地虛生第  
一人祇有清風能起我為將餘恨入吟新

夜夢 親庭

椿堂東望海雲真離思逢秋髮欲星一夜空山風下

葉五更殘月夢歸庭怡愉幸奉樽前樂憔悴還驚別  
後形可惜千端懷未盡曉鷄來喚遠魂醒

發長安時有鶴城之行進退格

春風一騎發長安花柳村村解客顏夜雨新添芳草  
嫩朝嵐猶鎖碧峯寒少年豪氣雲霄鷄沿路風光錦  
繡山何日昆盧登絕頂笑看紅旭浴層瀾

楸地嶺下有感

長路茫茫日色曛暮天愁思正紛紛宵中韜略知誰  
解匣裏蓮花動劒文山接鬼門恒白雪地連沙積半  
黃雲近聞醜虜侵邊急遺憶征西舊將軍時聞北虜  
候出征日



落介部

曉行

幾年書劍困風塵今日歸程嶺海春野店杵鳴明遠  
火溪橋月黑斷行人宿雲未捲千山濕曉雨初晴萬  
木新長路間關何足歎北堂來夕拜雙親

步上終南後麓次金斯百韵是日奉恩寺僧適  
來訪

孤亭如斗枕山垠秋晚霜林落葉紛緩步偶尋幽磴  
石矯頭却望遠峯雲松間鳥語醒心悅杖外花香襲  
袖薰珍重老僧來乞句共譚玄趣到斜曛

觀臨穎美人舞劍有感月課代作

六戈留滯楚天端客裡逢場強作歡紅袖佳人能劍  
舞青袍朝士獨眉攢瀏灑爾自當年態流落吾堪此  
日觀莫試開元供奉曲秦陵秋色不勝寒

送申寅伯之松都

東風送客洛陽西把酒城隅惜解攜細草暗催春意  
動寒雲偏傍別筵低日斜鵲嶺孤登遠水泮臨江獨  
渡迷君去莫尋亡國跡古臺殘月不勝悽

復從春沼與李士休行逸諸兄登戴息亭

澄江一帶白雲中江上朱樓入半空六月炎塵飛不



到四山蒼翠繞無窮  
遊仙對酌傾霞露  
漁子移舟趁晚風  
留醉莫須愁  
日暮行看銀闕湧  
天東

奉送春沼丈赴北幕

秋思難禁宋玉悲  
更堪今夕送將歸  
高才自合明時用  
薄宦誰憐壯志違  
雲海日沉人獨去  
塞門霜落鴈初飛  
應知夜夜還家夢  
長遠西江舊釣磯

次申寅伯追憶重興韻

秋林霜着暎紅霞  
憶上寒山石磴斜  
雲鎖祇園藏佛塔  
水流金界泛天花  
懸空月色觀心性  
繞夜香烟聽法華  
勝賞祇今成一夢  
碧峯何處閉仙家

又疊前韻詠懷

巖際茅亭鎖暮霞  
籬邊一迳自橫斜  
松當歲晚逾含翠  
菊傲霜寒半拆花  
誰向白雲尋隱跡  
獨從空谷攬秋華  
知君更被閑愁惱  
黃葉蒼苔畫掩家

時寅伯有微恙

次申瑞明韻

白雲深處鎖仙家  
清景秋來特地誇  
無事每馴壇上鶴  
有時閑訪澗邊花  
蘭香襲袂堪為佩  
楓葉粧林乍暎霞  
惆悵郢音人寡和  
謾將幽抱惜年華

贈李次山蕭寺之行

茂陵吟病已經秋  
况是今朝又別愁  
明月小窓空對



酒白雲何處獨登樓時名落落吾堪笑詞藻翩翩子  
最優想得上方饒雪景倘將佳句遠相投

雪後登終南山亭

古木槎牙石磴盤空山來眺歲華殘風鳴絕壑松鏗  
韻日挂高亭客倚欄雲裏樓臺雙闕迥雪中天地萬  
峯寒傍人且莫尋常道疑向龍眠畫上着

詠懷

瘦骨嶮嶮病互侵淡旬寒卧但親衾光能射斗誰着  
劍才或正時祇負心永夜孤燈搔髮短一村殘雪閉  
門深陽春自是無人和莫把哀歌奏古音

庚申夜會飲沈汝斗樞家醉中走筆

秉燭高堂一宴開相看意氣鬱崔嵬風塵海內猶吾  
輩雪月樽前更此杯世事已知春夢亂傍人莫笑玉  
山頽祇應歸去潯陽社翠榼提壺任去來

追憶庚夕會飲寄呈沈汝斗兼示同遊諸君求  
和

憶昨君家醉興豪滿堂寒月恣揮毫主人意氣黃金  
盡才子詩篇白雪高佳節有情愁暫解勝遊無跡夢  
空勞明年花發應重會一笑陶然更我曹

詠懷



歲暮孤村白雪深竹扉終日掩空林志因好古人爭  
笑心為傷時涕不禁千里未應無駿骨高臺誰復築  
黃金唯當捲八溪山去釣月耕雲費醉吟

十月初會飲于權汝綱家醉中走筆示座中諸

益求和二首

閉戶經旬閱簡編偶來城北暫留連人逢勝友開襟  
穩家近青山占地偏望裏烟嵐晴似畫醉中詩意湧  
如泉從知好會難常有須折黃花插滿顛

又

濟世初心轉墮空中宵劍氣幾成虹孤高自擬陶元

亮骯髒還憐馮敬通今日就君空大嚼古來何者最  
英雄陶然且向花間醉一任兒曹笑面紅

渡銅津時有湖行

男兒墮地四方志誰向深閨謾蹙眉匹馬客程秋色  
遠片帆江口夕陽逢天空落水蕭蕭下雲洗浮峯點  
點奇倘有閑人移畫裏清遊輸與世間知時妻兒皆  
有病而天

氣漸寒不能留待差歌  
而發故第二戲及之

曉發燕歧向鎮岑

秦京回首白雲鄉匹馬南來思正長歸路怨鴻寒帶  
月古城殘角曉吹霜江山歲暮渾新賞書劍天涯只



舊裝為問驛亭能記我一年重賦遠遊章

渡瓦灘

汀洲落日下依依沙岸遙村盡掩扉浮世客遊重過  
此暮年心事欲沾衣天邊雨洗羣峯出江上人隨一  
葉歸休向舊亭懷舊隱至今寒月照漁磯

過素沙戰場有懷楊公鎬

楊公此地破蠻兵征旅猶傳戰伐名荒壘暮天雲自  
黑古溝寒夜月空明至今偉績藩邦賴當日飛言貝  
錦成羸馬北風來獨吊醉憑孤劍若為情

詠懷一首寄沈伯衡

深巷寥寥斷客過竹扉長掩小溪涯青霞謾羨平生  
氣白石誰憐中夜歌歲暮空山聞怨鶴日斜遙樹見  
歸鴉西隣賴有同心子時把瓊琚餉我多

霽月樓有感丁酉冬往棲道峯

世外雲林深復深興來今夕偶重尋中天萬仞一峯  
聳落日高樓孤客吟吾道已非堪屏跡古人難見祇  
傷心却憐巖下泠泠水依舊清音帶玉琴

偶吟

松門深鎖絕塵囂仙洞端宜着我曹款枕遠聲巖澗  
落上樓寒色雪峯高有時得句仍成律終日看雲不



覺勞林麓暮來清更肅坐禪新月湧東臯

敬次伯氏韻

松齋春寂興偏幽獨出柴門散步遊山鳥自能迎客  
語玉泉時復泛花流詩因得意行行詠杖為探閑處  
處留矯首片雲天際繞去來同我兩悠悠

雨中閑吟

浮名曾覺夢槐安獨卧山齋事事閑千聖道心言外  
契一年春意雨中看鳥爭吟舌當窓語花自綻房滿  
壑斑別有悠然相對處半空蒼翠聳層巒

登霽月樓望道峯

霏霏輕靄鎖空樓日暮山色卧獨看經雨萬林紅藥  
亂露雲千尺碧峯寒催開活畫驚天妙輸入新詩下  
字難回視飛泉更奇絕銀潢一派挂巖端

日晚步出澗邊雲間峯秀水流花開景物宛然

一仙境也

寧山洞裏再尋真野服藜筇穩稱身瑤草白雲元化  
界落花流水武陵春前名正記仙宮錄今世長為物  
外人寄語松林茂柯子莫將幽趣洩紅塵道峯洞名  
入夜浮雲四捲皓月流空與院中諸友閒步中  
度



寒山獨宿耿無寐與客携筇散步同峯落碧空雲霧  
外水流仙界月明中詩魂皎皎貯冰玉松籟泠泠韻  
谷風賞得一春花事好夜來閒興更難窮

雨中獨坐偶占一律仰呈伯氏

花邊終日鷓鴣啼細雨簾纖草色齊孤坐玉人看遠  
岫雙飛燕子落香泥門因斷客閒長掩詩為殘春醉  
懶題別有上方佳約在石橋明月訪清溪時約院中  
諸友將尋

望月

望月菴夜吟進退格

借宿禪房絕世紛窓開峯頂斗幾捫高僧獨起參金

佛半夜疎鐘落白雲天外恍逢乘鶴儷月中間步兩  
花園他年定入烟霞隱不向人間要鬻文

醉眠盤石日暮始起適有牧豎騎牛而過

村南村北總春華沽酒階吟興欲誇醉裡愛眠臨調  
石醒來驚拂滿衣花久將世味同流水新入仙源冷  
絳霞牛背小童何處去數聲橫遠夕陽斜

白道峯還京歷賞曹溪進退格

春花踏盡道峯紅更入曹溪擲短筇千古斷崖扶畫  
閣半空飛瀑挂晴虹松間客醉流霞液雲外僧鳴遠  
寺鐘直到夕陽應不去夜來泉月影玲瓏



後次伯氏韵記道峯舊遊寄趙公舉洪伯涵萬  
容叔平萬衡諸益求和

三月山村花事忙偶逢佳客會高堂猶憐爾面樽前  
記不省吾言醉後狂玄晏病懷復藥裏武陵春色夢  
仙鄉何時更遂尋真計共汲曹溪一滴香伊日之會  
余乘興引  
滿先醉而倒不省諸人之歸醒醉中語侵公舉特  
甚云故第四及之又於諸人同遊曹溪而不果故求  
之句及

陪伯氏送沈汝斗於江外與寅伯諸益同舟而  
歸口占一律求和

依依楊柳館離愁酒盡江天雨乍收漁店斷烟迷古

渡夕陽歸客解孤舟雲邊縹緲看青嶂沙渚飛來有  
白鷗仍憶去年秋色暮荻花楓葉泝中流

詠懷

此身於世任羣咻深隱年來更寡儔病久草門苔色  
老夢回蟬語夕陽秋浮榮已斷人間戀仙賞空懷海  
上丘倦倚小窓聊極目過雲飛鳥總關愁

睡起進退格

居然晝寢夢南柯起視床頭卷秩斜高閣晚風塵老  
暑一塘踈雨戰秋荷馬卿吟病人誰記工部耽詩句  
謾誇堪笑半生經世志獨憑青鏡感懷多



草堂對月有感

庭前白露暗驚秋，獨揭疎簾待月留。  
蔓草怨螢催歲晚，小堦眠鶴伴人愁。  
雄心舊負經綸在，衰髮今羞志業偷。  
夜久倚筇瞻北斗，碧天無際亂雲收。

重陽日有感

南天回首屬親堂，日暮扶筇上彼崗。  
千里別懷惟遠夢，一年佳節又重陽。  
疎林葉墜蕭騷響，空谷花開寂寞香。  
景物惱人心，倍感幽愁不語獨彷徨。

村店夜詠時有任實之行

楚峽年年賦遠遊，浮生形役幾時休。  
功名寂寞心猶

壯行色蕭條，劍獨留半壁青燈。  
人詠夜一輪明月，鴈聲秋明朝更向公山去。  
詩思應添錦水樓。

卧治齋閑吟

騷人生計寄茅亭，無事官門晝亦扃。  
霜後菊香猶未改，歲寒篁葉更深青。  
踈狂已任私生懶，皎潔偏懷屈子醒。  
靜坐蕭然觀物態，一聲幽鳥下空庭。

自南還京道中口占

滿空佳氣藹和烟，沙渚冰融晚景鮮。  
草木春來新雨露，郊原客度舊山川。  
半生求道猶迷路，一日吟詩未竟篇。  
回首白雲千萬疊，北堂南望更茫然。



一  
卷之二  
挽沈伯衡二首

拔俗清標驚世句少年聲譽動京師青雲未獻明光  
賦黃壤先埋玉樹枝已痛子安元短命誰憐伯道更  
無兒平生交契兼親誼忍說萱堂白髮垂

又

相將意氣早追遊天地猶看我輩留把酒湖亭明月  
夜題詩岳寺白雲秋繁華已逐風中絮存沒翻驚水  
上漚從此不堪門外過滿庭春草總新愁

次舍弟成卿韻

獨坐虛堂萬慮縈思量非但為身名書生豈乏經邦

策時事終難入手成日暮青山愁外對秋來蒼髮鏡  
中驚煩君莫作傷心語且把清樽慰不平

入夜對月無寐吟舍弟所寄詩有感次韻

一讀新詩牙頰清莫嘆書劍業無成時危正憶陶翁  
隱世遠寧追賈傳名秋月滿庭蛩語鬧松泉鳴壑客  
眠驚沉吟半夜間思慮除却歸田便息營

送舍季長卿自金川入天磨者扑淵歸路歷觀  
滿月臺

尋真何處擲吟筇脚底烟霞萬壑同莫向高臺吊明  
月先看瀑布挂飛虹依稀靈境三清裡自在觀音五



色中想得歸來行橐富新詩總添九秋楓去有辨觀音

密窟中有觀音真像故第及之

奉別李金吾士休兄遠謫西塞

男兒直已古猶今末路誰知弄殺深關外此行真似  
夢世間何事不驚心一樽離恨青山色四野浮雲白  
日陰忍想客程頻駐馬北堂東望倍沾襟

敬次伯氏下示韻二首時伯氏出佐關西幕

一別居然節序移西郊幾憶摻裾時飛花繞樹春無  
顏離恨添宵月有期歌枕謾成青草夢掩門愁見綠  
楊絲朝來驛使傳筒處猶喜音書帶數詩

又

何處登臨倚畫欄練光烟柳拂江寒樓臺到此遊觀  
壯塵世從前會合難春去旅懷為客後夜來孤夢落  
天端男兒弧矢當年志休說歸田早掛冠

敬次伯氏韻癸卯秋

新秋霽色散輕陰閱送流光感古今露滴鶴驚松外  
夢月高人愛竹間吟唐虞事業違初計賢聖工夫尚  
此心雲在青天蓮在水曠懷寧受一塵侵

秋夜獨酌有感賦得七言近體錄奉金壯元斯

百



悠悠榮落任乾坤宿志吾非在飽溫三策天人慚董  
子十年經學老公孫朝廷謾道民生樂時務誰令國  
勢尊半夜秋風歌激烈滿窓寒月照清樽

太極亭偶吟

巖下方塘巖上亭幽居孤絕斷人行四圍松翠羣峯  
合九月楓丹兩岸明隆古已遙寧挽世小山新占可  
藏名猶餘舊習常耽酒白眼秋天意氣橫

送秋日有感

流序堂堂去不停別秋今日倍含情卧看落葉愁誰  
語吟向青山句已成萬事晴空孤鳥沒幽懷晚嶂白

雲生隱淪亦足全吾樂何用風塵浪逐名

醉中口占呈息庵

男兒行世信蒼天肯受區區俗子憐慟哭有懷寧達  
務簞瓢亦樂尚為賢興亡萬古書連屋嘯咏三秋月  
滿川欲識箇中真味在請君看我醉時篇

奉送東涯金侍郎

震標出刺真珠四首

真珠三  
陟別號

形勝東關第一州竹西終古號仙丘百年有分丹砂  
境五馬催行赤葉秋雲外玉峯當檻聳海門銀浪拍  
天流懸知謝眺驚人句陶寫風烟獨倚樓

其二



真珠樓觀出雲烟樓下橫流五十川鳧鳥遠辭天北  
闕海山還作竹西仙扶桑瑞色看初日句漏靈砂住  
大年為報明春花爛熳萬千峯上共踟躕

其三

知公昔在玉京樓暫下人間辦勝遊間跨青城雲外  
鶴醉移寒碧月中舟仙鳧又向真珠去羽客應從蓬  
海求自笑終南吟病久閉門黃葉獨悲秋

其四

先祖當年莅此州使君歸去問清遊至今題壁紗籠  
句依舊疑雲玉笛秋西日別筵徒搯袂海天何處獨

登樓仙區早晚追飛鳥笙鶴遺塵倘可求

侍郎曾經清風青松宰兩邑皆素號仙鄉故第

二詩及之往在

宣廟朝 先祖雲江公出莅真珠題詩竹西樓至今

詩板尚懸樓壁而詩中有鶴背冷風射玉樓雲  
疑列岫海山秋等語故末詩及之

葛院道中甲辰春

盡日行行泥路漫遊人二月向秦關平蕪雪釀春抽  
草遙野雲驅雨度山景物競新心欲醉詩情忽湧句  
難刪懸知京國花如海不放東風待客還



朝發柳川

茅簷終夜雨聲長朝擁寒簑出戶忙且喜新春生萬物不愁行路濕輕裝綵莎裏露芽初綠陌柳搖風眼半黃最是客懷清澈骨遙山一抹勢磨蒼

渡銅雀津時連三日雨

山川入眼總依依京洛春風遠客歸披岸波濤青雀舫滿江烟雨綠簑衣鳴榔舟子看相語近棹沙禽慣不飛待得桃花三月浪一竿來釣鱖魚肥

雨中獨坐口占

終南山下澗西涯居士門前楊柳斜連日不晴三月

雨一時爭綻萬林花誰將松酒慰幽寂獨對春風管物華直想明朝登巘嶠層城十里繞紅霞

登終南賞春

三月長安穀雨晴晚風吹我上高亭春深花柳千村暗日暮雲山萬點青一棹極北瞻迷瑞霧海門西望際蒼冥森羅景物吟眸外醉盡松間白玉瓶

獨酌有懷吟成一律寄金斯百

杏花初謝桃花開九十春光次第催白酒入唇意自好青山當戶心無猜城南玉友病何久巷北詩人期不來獨酌此時還獨詠巡簷索句空徘徊

斯百病不出門寅伯



有約不至  
五六及之

奉送伯氏歸覲任實 衙內

成毀紛紛未足驚是非誰眩 九重聽人情末路羊  
腸險心事青天白日明六月南州催去路二年西塞  
關趨 庭離懷最覺鷓原苦不共 高堂獻壽統

九月十五日與金郎同舟濟靈梁歷賞黔山念

佛菴仍向三岳寺歸路將訪紫霞洞口占一律

示金郎

晴沙十里大江回秋後澄波碧玉堆驅馬背看將落  
日御風身陟最高臺佛菴石壁天中起三嶽雲烟海

上來禪榻一宵清夢爛勝遊還向紫霞催念佛菴後

列立不知其幾百丈而三岳海樓通望  
南陽江川等地眼界無礙故三四聯及之

敬次伯氏下示韵三首

一卧終南清興闌小齋長對白雲閑誰言大隱隱城  
市自喜幽棲棲碧山杖屨有時尋壩谷竹林終日掩  
柴關只憐憂世當年志耿耿中宵苦未刪

其二

僵仰雲林歲又闌蒼生未濟此生閑自憐壯志霜侵  
髮愁對寒天雪滿山出處古人唯義命功名末路足  
撥關樽前尚有橫秋氣酒興詩情未要刪



其三

一會清樽意未闌僕夫催馭不教閑何須捫蝨空譚  
世且愛停觴共說山雨雪北風身出國郊園暮歲黃  
堆關分携數月猶堪苦別語丁寧莫遣刪

八月十五泛舟漢江乙巳

子瞻去後揚卿遊十五之宵乙巳秋萬里碧天懸一  
月二更清漢放孤舟茫茫獨遡空明上點點橫看遠  
岫浮神馬奔騰周八極御風疑入廣寒樓

自麻田向洛道中口占

公館淹留歲序道重陽過後向神州孤舟客渡清江

曉十里楓酣赤壁秋盈野黃雲禾大熟上峯初日霧  
全收前程最有佳期在一笑題詩霽月樓

乙巳秋聞舍弟文卿喪毀病甌自麻田入城馳

下丹城前一月舍季長卿已先下去臘月十八

到丹文病小間而家間及一村癘疫大熾二十

日率兩弟自栗寺移寓山陰邑底長卿又病卧

旅邸蒼黃率病弟僑寓於咸陽盧丈家復馳還

山陰留護六七日長病始得差歇丙午正月二

日復還咸陽文病又忽添劇濡滯月餘長病快

復而文病亦占差道二月初同會咸陽一時作



行到瓦灘佔一律示長卿文卿出後伯父時  
在草土中

濡滯天涯兩弟病會稽函谷幾奔忙羈愁白髮新經  
歲行色青春好返鄉文出兩收青靄靄錦江水泮碧  
茫茫也知荆樹團圓樂爭說離懷促羽觴

趙君汝吉嘉錫適拾遺而宰扶餘過余自詫仍  
索別語謹奉一律略申鄙意無備贖行之儀

今世寧無一丈夫國艱民瘼足長吁孤鳴正望朝陽  
鳳雙躡休誇葉縣鳧捧檄喜深知自得分符責重庶  
殘蘓片舟白馬江天月能憶終南此病壘

奉別伯氏九峯公以冬至下价赴燕四首

華夏今看天地翻小邦皮幣更何立行裝萬里玄陰  
積文物千秋淚眼昏日暮忍經柴市路雪中空酌首  
陽魂山河不盡英雄恨着處唯應倒酒樽

其二

弱國金繒歲遠輸使車十月指燕都衣冠漢代今能  
見山海秦關謾壯圖落日中原氛侵惡凍天遼野朔  
風呼悲歌試向屠沽訪感慨寧無一丈夫

其三

三事連年賦遠遊燕行此日倍離憂驅馳西北賢勞



狗帳空關河雨雪稠何處白雲瞻八眼異時青草夢  
添愁歸之共奉 高堂酒舞彩雙雙獻壽籌

其四

塞北關西領略周行旌歲暮又中州遠城化鶴千年  
跡薊樹浮烟萬古愁射虎石留人已遠釣魚臺廢水  
空流男兒墮地蓬桑志塊處還羞海一頭

青鶴洞小構初成詩以落之

一區新卜絕塵緣曲曲層巖注玉泉眼對白雲天外  
出身為青鶴洞中仙疎松落地時時白疊壁圍軒畫  
障連從此無心求別界藥爐經卷送餘年

追寄金學士斯百接慰之行 時倭奴以究詰

漂齋事出來東萊多發私 事幾異前朝廷

擇送接慰之任斯百以玉堂修撰膺是 命而

行余適在麻田未及送別

忽聞御命下金鑾剛恨青門阻別顏 正事敢論千

里遠虜謀應折危言間孤城瘴雨愁如海旅館春宵

夢度關無限倚閭朝夕望朱炎未動早回還

棄冰官即作觀行於麻田 衙中八月自麻向

洛留數日將歸西庄讀書到石銀津有感

書劍無成一投 水街雖小亦何因少年在許經邦



三不路寧堪身秋水碧天澄影動野光山  
詩新不 答拓風塵裡爭似歸田作隱淪

登覽昭陽亭仍向清平到寺門口占

暫憇昭陽江上亭吟鞭更拂入清平噴巖飛瀑層層  
雪障日高松瑟瑟笙真樂觀藏仙洞迥見星菴落影  
池明息翁遺躅今誰繼欲結茅茨度此生

自清平迴路又登昭陽亭

昭陽江上夕陽天客自清平寺裏旋已踏丹梯窮絕  
境更憑虛閣作飛仙湖光薄 色浮空碧  
似烟胡不歸歟此間住紅塵寧到白鷗邊

夏日即事

夏日山齋樹影濃層松絕壁

馬上偶占心偏

樂小筭新成膝可容瑤色晨

幽懷晚對白

雲峯何人錯道經綸在萬事無心任懶慵

武陵臺口占一律示李生元慶生過三

當時意氣薄崔嵬今日低頭吏役催客路初經新禮

院風光別入武陵臺濃雲釀雨風吹散小幕排丘水

把酒更待湖山春爛漫桃花源裏共重來



一峯先生詩集卷之二

詩

Vertical columns of text within a rectangular border, mostly obscured by damage and staining.

Red mark or binding element at the bottom center of the page.



